



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvací, 1625

De mœrore & consolatione animæ in Deo. 2

[urn:nbn:de:hbz:466:1-45790](#)

*Psal. 33.
2. Cor. 5.*

Dominus differt, quod tu (o anima) magis impetu quam discre-
tione facis. Pausabis igitur parum, sed sub umbra eius, nec in
aestibus mundi quiesces. Melius tibi mori est, quam mundo vi-
uere. Felicius tibi lugere, quam de iis, quae non sunt & videntur,
gaudere. In Domino consolabitur anima mea, audient mansueti &
latentur. Quamdiu enim sancta anima vivit in corpore, peregrinari
se a Domino dolet: sed quia voluntas eius est, peregrinatio-
nem patienter sustinet. Ut interim tamen alium dilectum non
quarat vel eligat, illius amore certare fortiter necesse habet: quia
multi aduersarij, multi ad decipiendum parati. Et ideo districte
castigare debet, quicquid foris se finxerit amabile. Nec alicui
quantumlibet blandienti credat, ne delicti amicitiam fraude cap-
ta perdat: Qui dum Sponsus abest, lugere magis eius absentiam
debet, & viduitatis tempus cognoscere: donec veniat, & eam ad
se in aeterna tabernacula perducat. Ibi enim requiescunt sancto-
rum animae, non in umbra, sed in praesentia; & serenissimam in-
giter speculantur faciem Dei Patris, quem cum filio eius uig-
nito dilexerunt in terris, & secuti sunt relictis omnibus.

SERMO II.

De mærore & consolatione anime in Deo.

1. Olet anima deuota, quae Christum diligit, de eius absentia
dolere, & de ipsius spirituali visitatione plurimum consola-
ri. Hoc tamen magnæ dilectionis Christi signum est, non ipsius
meritum, quotiescumque ab illo consolatur. Bonum ergo ei est,
si se dignam non putet; sed exiguum & insufficientem, ad donum
gratiae eius percipiendum. Quae est enim anima, quæ tantis be-
neficiis respondere valeat, etiam si iugiter gratias rependat? Cer-
tum est, quod nulla inuenietur, dato quod omnium esset repleta
Sanctorum meritis. Soli namque Deo conuenit præ omnibus
sanctis, honor, virtus, & gloria. Animæ autem diligentí Deum
magnum est, si pro suo modulo laudare vel exiguum possit, & in
sanctis eius mirabilem eum prædicare: Aut si id agere non suffi-
cit, satis imparem laudibus Dei se sentiens, saltem non omittat
propriam deflere miseriam. Et istud fortassis multo utilius pro-
derit, quod non tam altiora sapere, quam minora quæque bene-
ficia amare videatur.

2. Congruus ordo ascendendi ad Deum est, ab inferioribus
studiis, ad potiora tendere; & rursus ad pristinam infirmitatem,
humiliter se reflectere. Ibi igitur maneat diutius, ubi tutior pro-
batur esse locus. Quod si ascendere ipsam delectat, cum omni hu-
militate & timore perficiat. In descensu tamen suo, non penitus
deciccia-

deiciatur: quoniam humilibus sedes regni cælestis promittitur, sed libentissimè ibidem commoretur. Et si natura horret, & inferior videri non vult carnis homo, pondere futuri iudicij terreatur, vbi omnes clati confundentur. Beata nimium anima, quæ locum in hoc tempore eligit nouissimum, & se deflet per momenta singula, quoniam magna eius miseria existit.

3. Multam dolendi materiam habet, quam nec perfectè valet cognoscere, nisi se à terrenis consolationibus exuat, & ad externa bona, fide non sicut transferat. Etenim ex propria fragilitate, quantum ad hæc imma premitur, fidelis anima deprehendit; quod sine Christi gratia, nequam stare, sed neque se eleuare ad cælestia potest. Ideoque indiget, ut à Christo Iesu, per visitationem spiritualem & consolationem internam, sustentetur frequentius; ne absorbeatur aliqua delectatione temporalium, aut fallaci suggestione diaboli auertatur a sancto proposito. Multiplices sunt enim insidia & immissiones diabolicae, quæ caueri absque speciali etiam gratiæ luce non possunt. Diversæ tentationes, & inopinabiles tribulationes occurruunt plerumque hominibus sanctis, sed benignus Dominus cuncta facit prodest bonis, super quo benedictum sit nomen sanctum eius. Debet autem Deo deuota anima inter labores, quibus in hoc peregrinationis loco affligitur, de futura sanctorum meditari requie, ne sub onere deficiat: quamuis saepe tristanti, luctus solet esse solamen. Videns namque ineuitabilem miseriam, quid mirum, si doleat? Considerans quoque grande exilium, quomodo lata erit? Sentiens abesse sepius, quem intimè diligit, notum est amantibus, quale incommodum patiatur. Verum, qui non amant, illa nesciunt, nec quo dolore anima sancta concutitur: quæ venditis omnibus terrenis, ad quæ rendum inuisibilem Sponsum se contulit. Talis enim Christum præ omnibus consolationibus, qui Sponsus est & amicus dulcissimus, sui pectoris desiderat habere solatum.

4. Complures terrenam & vanam dilectionem habentes, grauiter ferunt dilationem aut ablationem alicuius rei corruptibilis, quam sibi utilem existimant; gaudentque de prouento illius, & quotidiano aspectu consolantur. Si sic agitur in insipientium cordibus, fortius flagrare debet anima deuota in amore summi conditoris. Cum ergo per gratiam Christi visitatur, mox noua letitia in ea nascitur, ac æternorum spe erigitur; exultat quoque in desiderio cordis sui, omniq[ue] affectu virium internarum, ad hanc gustandam vertitur dulcedinem. Et ut crassius per verbum internum reficiatur, in quo tanta dulcedo exuberat, aperit os suum, & attrahit spiritum, dicens: *Quam bonus Israel Deus, his qui recte sunt corde. Deus meus, Deus meus, dulcedo non fallax, dul-*

cedo sola reficiens, virtus & decor animæ meæ, quām bene mihi
in hoc visitationis tempore. Non meis meritis, non meis votis,
sed tuae bonitati ascribo hanc horam, Domine, qui es verus &
vnicus omnium mōrentium & te diligentium consolator anima-
rum. Amen.

SERMO III.

De duplice compunctione anima, pro cœlesti patria.

Job 6.

1. **Q**uis det, ut veniat petitio mea; & quod expecto, tribuat mihi Deus? Magnum desiderium fidelis animæ, præsenti versi-
culo innuitur; quæ non terrenas res, sed contemptis illis cum
concupiscentijs suis, æterna bona sibi largiri depositum. Illa enim
sunt, quæ fidelis anima expectat, pro quibus laborat quotidie to-
lerando certamina. Verumtamen finiri laboriosam vitam citius
optat, & venire beatam requiem, quam expectat, cordialissimo
affectu comprecatur. Antequam ad Deum conuersa esset, & cum
huius mundi delectationes cam adhuc tenerent, non illa quæ in
cœlis promittebantur, quærere curabat; sed aut ignorans, aut par-
cipiens inuisibilia bona, satiari visibilibus, & diu illis frui
sumnopere intendebat. Nunc verò ad Christum conuersa, &
præsentia nihili pendit, & futura ardentiū concupiscit. Simili
quoque desiderio ardebat illa prophetalis anima, quæ dicebat:
Vnam petij à Domino, hanc requiram; ut inhabitem in domo Domini,
omnibus diebus vita mea.

Psal. 26.

2. Dupli autem stimulo compungitur anima, ut tam instan-
ter & ardenter quærat transire ad patriam. Interdum quippe præ-
sentium malorum vrgetur incommodis. Vident namque tam in
se quām in alijs, multiplices tentationes, graues labores, diuersa-
que occupationes, in quibus multi periclitantur; & pauci illasi
euadunt, prudenter sibi consulens, & alijs compatiens, quamdiu
proposito sancto feruet, à miseriis istis liberari suppliciter desi-
derat. Timet enim, ne fortè iterum ad secularia aut carnalia tra-
hatur, aut in alios errores morum, vel leuitates animi iudicatur;
quia etsi modò plenam voluntatem Deo placendi habet, non ta-
men securitatem sic perseverandi accepit. Vnde non immerito ti-
midia, & infirmitatis suæ conscientia, patriam supernam petit; & om-
nibus votis tolli ex hac miserabilis vita sanius sibi fore sentit,
priusquam (quod absit) nouissima sua, peiora prioribus fierent.
Ibi enim omni timore sublato, cum voluntate perfecta, securitas
etiam perfectè stabit. Ex hoc ergo stimulo quasi sinistro calcari,
equus sancti desiderij valenter instigatur, quo anima cursu incep-
to, ad patriam pergit cœlestem, quia in præsenti non habet ma-
nentem ciuitatem, sed nec requient quidem.

3. Quan-

